



REPUBLIKA E SHQIPËRISË
INSTITUTI I STATISTIKAVE

DREJTORIA E BURIMEVE NJERËZORE, FINANCËS DHE SHËRBIMEVE MBËSHTETËSE
SEKTORI FINANCËS DHE BUXHETIT

Nr. _____ Prot.

Tiranë, më _____._____. 2025

Lënda: Raporti i monitorimit të performancës së produkteve të buxhetit të Insitutit të Statistikave, për periudhën Janar - Prill 2025.

MINISTRISË SË FINANCAVE
DREJTORISË SË PËRGJITHSHME TË BUXHETIT
Adresa: Bulevardi “Dëshmorët e Kombit”, Nr. 3, Tiranë

Instituti i Statistikave, mbështetur në ligjin me nr. 17, datë 05.04.2018 “Për Statistikat Zyrtare”, është prodhuesi kryesor i statistikave zyrtare në Republikën e Shqipërisë. Misioni i tij është të prodhojë statistika asnjëse, transparente dhe të përditësuara, të cilat ndihmojnë në gjykimin e përdoruesve mbi proceset e zhvillimit dhe transformimit në fushat ekonomiko-sociale brenda vendit. Programi i Statistikave Zyrtare, 2022-2026, përcakton strategjinë e zhvillimit të statistikave zyrtare dhe Sistemit Kombëtar Statistikor, duke synuar përmbushjen e kërkesave të përdoruesve për statistika cilësore. Programi përmban aktivitetet statistikore, të cilat janë në funksion të zbatimit të strategjisë dhe prioritetëve të institucionit. Politika e këtij programi konsiston në prodhimin e të dhënave statistikore të nevojshme për vëzhgimin e gjendjes ekonomike, shoqërore dhe mjedisore në Republikën e Shqipërisë, duke u përqëndruar në fenomene thelbësore për vendimmarrësit, si dhe duke respektuar të drejtën e qytetarëve për të dhëna zyrtare, në përmirësimin e funksionimit dhe menaxhimit të Institucionit, nëpërmjet zhvillimit të kapaciteteve menaxhuese në implementimin e objektivave që bëjnë të mundur përmbushjen e standardeve të vendosura nga BE, në garantimin e përmirësimit të vazhdueshëm të përdorimit të burimeve njerëzore dhe financiare të INSTAT-it.

Buxheti i Institutit të Statistikave për vitin 2025, i miratuar me ligjin nr. 115/2024, “Për buxhetin e vitit 2025”, i ndryshuar, është **1,022,750,000 (një miliard e njëzet e dymilion e shtatëqind e pesë dhjetë mijë) lekë**.

Këto fonde, Insituti i Statistikave i administron në një program buxhetor “Veprimtaria Statistikore”, si më poshtë vijon:

- Fondi i Pagave: 651,790,000 lekë
- Fondi i Sigurimeve shoqërore dhe shëndetësore: 112,110,000 lekë
- Mallra dhe shërbime të tjera: 140,530,000 lekë
- Transferta korente të brendshme: 1,570,000 lekë
- Transferta për buxhete familjare dhe individë: 1,150,000 lekë
- Fondi për investime të brendshme të trupëzuara: 15,600,000 lekë
- Fondi për investime të huaja: 100,000,000 lekë

Numri i punonjësve për vitin 2025 në strukturë, i miratuar me ligjin nr. 115/2024, “Për buxhetin e vitit 2025”, i ndryshuar është, plani: 260 dhe fakti: 228.

Buxheti i akorduar për programin “Veprimtaria statistikore”, ka në bazë të tij Deklaratën e Politikës së Programit, të hartuar gjatë procesit të Projekt Buxhetit Afatmesëm 2024-2026 dhe është në funksion të realizimit të Politikës së Programit. Monitorimi i buxhetit të INSTAT, për periudhën Janar-Prill 2025, përfaqëson procesin e vlerësimit të performancës së fondeve buxhetore, nëpërmjet krahasimit të treguesve faktikë të performancës me ato të planifikuar. Strukturat e INSTAT-it kanë kryer monitorimin e treguesve buxhetorë me qëllim ndjekjen në vijimësi të objektivave të synuar dhe të përcaktuar në Deklaratën e Politikës së Programit të INSTAT-it të përfshirë në Programin e Statistikave Zyrtare 2022-2026.

Për Insitutin e Statistikeve, gjatë katër mujorit të parë të vitit 2025, situata në lidhje me ndryshimet në planifikim gjatë kësaj periudhe, paraqitet sipas tabelës më poshtë:

në lekë

Programet	Buxheti fillestar 2025	Buxheti me ndryshime 2025	Diferenca
	(1)	(2)	(3=2-1)
Veprimtaria statistikore	1,022,100,000	1,022,750,000	650

Ndryshimi i planit gjatë katër mujorit të parë të vitit 2025, paraqitet me diferenca për shkak të akordimit të fondeve për përdorimin e fondit të veçantë të Ministrisë së Financave.

Politika e këtij institucioni është hartuar për të kontribuar në arritjen e qëllimeve të mëposhtme afatgjata:

- Prodhimi dhe shpërndarja në kohë e me cilësi e të dhënave statistikore në fushat ekonomike, sociale, të zhvillimit demografik dhe mjedisor në nivel qendror dhe lokal.
- Përdorimi i burimeve të të dhënave dhe instrumenteve të duhura, për të përmirësuar prodhimin dhe cilësinë e treguesve dhe shërbimeve statistikore.
- Përmirësimi profesional dhe organizativ i Sistemit Kombëtar Statistikor.
- Zhvillimi i sistemeve inovative ITC për përpunimin statistikor, shkëmbimin e të dhënave dhe komunikimin.

Menaxhimi i buxhetit është fokusuar në financimin e shpenzimeve në funksion të përmbushjes së objektivave prioritare strategjike të mëposhtme:

- Përmirësimin e cilësisë së realizimit të vrojtimeve, duke përdorur teknika moderne për grumbullimin e përpunimin e të dhënave, si dhe duke rritur kapacitetin profesional të punonjësve mbështetës nëpërmjet trajnimeve.

- Zgjerimin e fushës së mbulimit me aktivitete të reja sipas kërkesave të përdoruesve dhe të rrisë numrin e njësive statistikore (njësi ekonomike dhe familje) të intervistuar në vrojtimitet statistikore.
- Paraqitjen e një produkti statistikor të përmirësuar cilësor dhe sasior tek përdoruesit, nëpërmjet publikimeve statistikore, zhvillimit të konferencave, interpretimit të tyre me mjete të ndryshme komunikimi.
- Mirëmenaxhimin e institucionit, duke aplikuar një menaxhim të lartë administrativ të burimeve financiare dhe njerëzore.
- Përditësimin e infrastrukturës së nevojshme për kryerjen e proceseve të përpunimit të të dhënave.
- Pajisjen e punonjësve me bazën e nevojshme materiale dhe kompjuterike për përpunimin e të dhënave, si dhe të krijohen kushte të përshtatshme pune për punonjësit nëpërmjet mobilimit të zyrave.

Nga fondi i përgjithshëm buxhetor, në zbatim të ligjit me nr. 115/2024, “Për buxhetin e vitit 2025”, i ndryshuar, për periudhën e raportuar, Insituti i Statistikave ka realizuar vlerën buxhetore në shumën prej **250,149,268 lekë ose 24.5 % të fondit të planifikuar për vitin 2025.**

➤ **Performanca e shpenzimeve gjatë katër mujorit të parë të vitit 2025.**

Në fund të katër mujorit të parë të vitit 2025, situata në lidhje me realizimin e shpenzimeve të buxhetit, krahasuar me planin e periudhës paraqitet si më poshtë:

në lekë

Llog. Ekonomike	Përshkrimi	Plan buxheti vjetor 2025	Plan buxheti vjetor i ndryshuar 2025	Buxheti i realizuar katër mujori i parë 2025	Realizimi në % katër mujori i parë 2025
600	Paga	651,790,000	651,790,000	163,182,597	25.0
601	Kontribute Sig. Shoq. dhe Shëndetësore	112,110,000	112,110,000	30,019,529	26.8
602	Mallra dhe shërbime të tjera	141,030,000	140,530,000	31,933,121	22.7
604	Transferime korente	1,570,000	1,570,000	92,900	5.9
606	Transferime buxhetesh familjare	0	1,150,000	279,053	24.3
231	Kapitale të trupëzuara	15,600,000	15,600,000	372,065	2.4
231	Financim i huaj	100,000,000	100,000,000	18,475,940	18.4
	Të ardhura jashtë limitit	0	0	5,794,063	0.0
	TOTALI	1,022,100,000	1,022,750,000	250,149,268	24.5

➤ **“Pagat, Sigurimet Shoqërore dhe Shëndetësore”** (artikulli 600-601)

Struktura e Insitutit të Statistikave është miratuar me Vendim të Kuvendit me nr. 28/2025, datë 17.03.2025 “Për disa ndryshime në vendimin e Kuvendit nr. 127/2018 “Për miratimin e strukturës, organikës dhe kategorizimit të pozicioneve të punës së Insitutit të Statistikave”, në total është 260 punonjës. Për katër mujorin e parë të vitit 2025, fondi i pagave dhe sigurimeve shoqërore e shëndetësore, është realizuar në zbatim të numrit të punonjësve, miratuar me ligjin nr. 115/2024 “Për buxhetin e vitit 2025”, i ndryshuar, në total 260 punonjës dhe punonjësit me kontratë të përkohshme pune në total 1,617 punonjës.

Fondi i akorduar nga buxheti i shtetit, i ndryshuar për vitin 2025, për zërin “Paga” (artikulli 600) është 651,790,000 lekë, nga të cilat janë shpenzuar 163,182,597 lekë, ose 25% e planit vjetor 2025.

Fondi i akorduar nga buxheti i shtetit, i ndryshuar për vitin 2025, për zërin “Sigurime Shoqërore dhe Shëndetësore” (artikulli 601), është 112,110,000 lekë, nga të cilat janë shpenzuar 30,019,529 lekë, ose 26.8 % e planit vjetor 2025.

Në zërin “Paga, Sigurime Shoqërore dhe Shëndetësore” përfshihen pagat e punonjësve të strukturës të Insitutit të Statistikave, si dhe pagat e punonjësve me kontratë të përkohshme pune, për organizimin dhe zhvillimin e anketave, mbështetur në përlllogaritjen e numrit të punonjësve të domosdoshëm sipas pozicioneve, duke mbajtur parasysh kontributin e çdo pozicioni në secilën anketë.

Për periudhën Janar-Prill 2025 për zërin “Paga, Sigurime Shoqërore dhe Shëndetësore”, nuk kemi pasur ndryshime në buxhet.

➤ **“Shpenzime për Mallra dhe Shërbime të Tjera”**. (artikulli 602)

Fondi i akorduar nga buxheti i shtetit, i ndryshuar, për vitin 2025 për zërin “Shpenzime për mallra dhe shërbime të tjera” është 140,530,000 lekë dhe janë shpenzuar 31,933,121 lekë ose 22.7% e planit vjetor.

Në zërin “Shpenzime për Mallra dhe Shërbime të Tjera” përfshihen pagat e anketuesve me kontratë shërbimi, shpenzime ndaj të tretëve, si dhe shpenzime për blerje dhe shërbime të ndryshme për institucionin.

Ndryshime në buxhet për zërin shpenzime për mallra dhe shërbime të tjera janë kryer sipas shkresës me nr. 269 prot. datë 30.01.2025 të Insitutit të Statistikave “Mbi transferimin e fondeve buxhetore” drejtuar Ministrisë së Financave, ku u pakësuan 500,000 lekë nga artikulli 602 dhe u shtuan në artikullin 606 për kompesim të telefonisë celulare.

Për periudhën Janar-Prill 2025 realizimi në grupin e shpenzimeve operative është mbështetur duke respektuar dispozitat ligjore në fuqi.

1. Shërbimi i ruajtjes me roje civile sipas kontratës me nr. 2067/2 prot., datë 30.12.2024, nënshkruar midis Institutit të Statistikave dhe Operatorin Ekonomik me kapital shtetëror "Illyrian Guard" sh.a, në mbështetje të Vendimit të Këshillit të Ministrave nr.177, datë 04.04.2019 *"Për krijimin e Shoqërisë "Illyrian Guard" Sh.A. dhe për përcaktimin e autoritetit publik që përfaqëson shtetin si pronar të aksioneve të kësaj shoqërie"*.

Për fondin e parashikuar për grup artikullin *"Shërbimi i ruajtjes me roje civile"*, për godinën e Insitutit të Statistikave, për vitin 2025, vazhdoi kontrata e shërbimit me nr. 2067/2 prot., datë 30.12.2024, ku të gjitha kushtet janë të përcaktuara, me afat 12 muaj, nga momenti i nënshkrimit të kontratës.

2. Shërbimi i marrjes me qera të ambientit të magazinimit të tabletave të blera në kuadër të Censit të Popullsisë dhe Banesave 2023, sipas kontratës me nr. 861/4 prot., datë 02.09.2024, me nr. repertori 2424 nr. koleksioni 1561, datë 02.09.2024 *"Amendim Kontratë Qeraje"* nënshkruar midis Institutit të Statistikave dhe operatorin ekonomik Natural Health Sh.pk. Për fondin e parashikuar për grup artikullin *" Shërbimi i marrjes me qera të ambientit të magazinimit të tabletave"*, për vitin 2025, vazhdoi kontrata e shërbimit me nr. 861/4 prot., datë 02.09.2024.
3. Për fondin e parashikuar për *"Blerje Bileta Avioni"*, në vlerën 2,500,000 lekë me tvsh, janë realizuar, sipas rastit, procedurat e blerjes nëpërmjet sistemit dinamik për blerjen e biletave të transportit ajror ndërkombëtar dhe është shpenzuar në total në vlerën 724,990 lekë me tvsh, ose 28.9% e fondit të planifikuar. Për shpenzimet e kryera për blerje bileta avioni janë zhvilluar takime pune, konferenca, trajnime etj. për punonjësit e Insitutit të Statistikave, sipas kërkesave të miratuara nga Titullari, në vijim të të cilave janë realizuar procedurat përkatëse të prokurimit, me Operatorët Ekonomikë fitues, të paraqitur në tabelën e mëposhtme:

Objekti i Prokurimit	Fondi i parashikuar me TVSH	Vlera e kontratës me TVSH	Fituesi
Blerje bileta avioni	2,500,000	14,000	Amadeos Travel & Tours
		78,490	Amadeos Travel & Tours
		58,000	Amadeos Travel & Tours
		334,000	Amadeos Travel & Tours
		82,000	Kelvin Travel
		158,500	Pelingu Sh.P.K
Totali	2,500,000	724,990	

4. Për fondin e parashikuar për "*Blerje materiale Higjieno Sanitare*" në vlerën 360,000 lekë me tvsh është realizuar procedura e prokurimit me vlerë të vogël, ku ka rezultuar fitues operatori ekonomik "Bledi Loçi", me vlerë ekonomike të ofertuar 179,826 lekë ose 50% e fondit të planifikuar.
5. Për fondin e parashikuar për "*Blerje siguracion godine dhe paisjeve të zyrës*" në vlerën 420,000 lekë me tvsh, është realizuar procedura e prokurimit me vlerë të vogël, ku ka rezultuar fitues operatori ekonomik "INSIG" SH.A, me vlerë ekonomike të ofertuar 415,200 lekë ose 98.8% e fondit të planifikuar.
6. Për fondin e parashikuar për " *Blerje siguracion për automjetet e INSTAT* ", në vlerën 200,000 është realizuar procedura e prokurimit me vlerë të vogël, ku ka rezultuar fitues operatori ekonomik "INSIG" Sh.A., me vlerë ekonomike të ofertuar 199,763 lekë me tvsh ose 99.8% e fondit të planifikuar.

➤ **"Transferta korrente të brëndshme".** (artikulli 604)

Fondi i akorduar nga buxheti i shtetit, për vitin 2025, për zërin "***Transferta korrente të brëndshme***" është 1,570,000 lekë, nga të cilat janë shpenzuar 92,900 lekë, ose 5.9 % planit vjetor. Shpenzimet e kryera janë për një mbledhje të zhvilluar nga Këshilli i Statistikës, konkretisht në datën 20.03.2025.

➤ **"Transferta për buxhete familjare".** (artikulli 606)

Fondi i akorduar nga buxheti i shtetit për vitin 2025 për zërin "***Transferta korrente të brëndshme***" është 1,150,000 lekë, nga të cilat janë shpenzuar 279,053 lekë, ose 24.2% planit vjetor.

Fondet e shpenzuara për zërin "***Transferta për buxhete familjare***" janë kryer konkretisht për katër raste dalje në pension, shtatë raste shpërblim për fatkeqësi, kompesimet e telefonisë celulare.

Fondet e akorduara për zërin Fondi i Veçantë janë kryer në bazë të shkresës me nr. 2244/1 prot. datë 06.02.2025 të Ministrisë së Financave "*Mbi miratimin i detajimit të planit për fondin e vecantë 2025*", drejtuar Insitutit të Statistikave, ku u shtuan 650,000 lekë dhe shkresës me nr. 269 prot. datë 30.01.2025 të Insitutit të Statistikave "*Mbi transferimin e fondeve buxhetore*" drejtuar Ministrisë së Financave ku u shtuan 500,000 lekë me transferim fondi nga llogaria 602 te llogaria 606 për kompesim të telefonisë celulare.

➤ **"Shpenzime për Investime".** (artikulli 230-231)

Bazuar në ligjin me nr. 115/2024, "*Për buxhetin e vitit 2025*", plani i buxhetit për "*Shpenzime për Investime*" nga buxheti i shtetit i ndryshuar është në shumën 15,600,000 lekë.

Planifikimi në buxhet për vitin 2025 për shpenzime për investime është bërë për blerje liçenca dhe për likuidim të TVSH-së, në bazë të marrëveshjeve që janë me donatorët.

Realizimi i Investimeve me financim të brendshëm për vitin 2025 është realizuar në shumën 372,065 për zërin “*Likuidim TVSh*”.

Likuidimi i TVSH- së është kryer sipas faturave që Insituti i Statistikavë ka bërë pagesat me llogaritë e projekteve me bankat e nivelit të dytë të donatorëve.

Realizimi i shpenzimeve me “*Financim të Huaj*” për periudhën Janar-Prill 2025 është 18,475,940 lekë.

Projektet që menaxhohen nga Instituti i Statistikave janë si më poshtë vijon:

1. Salstat - Statistika të Forta Vendore.
2. Mbështetje për CENS.
3. IPA 2019 Multi-Beneficiary Statistical Cooperation Programme.
4. Sida Direct Funding - Instat Census 2022.

➤ **Shpenzime nga të “Ardhurat jashtë limitit”**

Shpenzimet nga të ardhurat jashtë limitit për periudhën Janar-Prill 2025 janë në vlerën 5,794,063 lekë.

Realizimi në sasi sipas ***treguesit të performancës/produktit*** për periudhën Janar-Prill 2025 paraqitet sipas tabelës së mëposhtme:

Nr.	Emërtimi i Treguesit të Performancës/Produktit	Plani 2025	Fakti 4-mujor 2025	% Realizimit
1	Njësi statistikore të vrojtuar	348,071	86,580	24.8%
2	Të dhëna të publikuara	181	50	27.6%
3	Personel i trajnuar	260	228	87.7%
4	Auditime të kryera	7	2	28.5%
5	Blerje Liçensa	17	0	0.0%
6	Blerje Karrige zyre	50	0	0.0%

Treguesi i performancës/produktit “*Njësi statistikore të vrojtuar*” është realizuar 24.8%.

Treguesi i performancës/produktit “*Të dhëna të publikuara*” është realizuar 27.6%.

Treguesi i performancës/produktit “*Personel i trajnuar*” është realizuar 87.7 %.

Treguesi i performancës/produktit “*Auditime të kryera*” është realizuar 28.5%.

Treguesi i performancës/produktit “*Blerje Liçensa*” nuk është realizuar.

Treguesi i performancës/produktit “*Blerje Karrige zyre*” nuk është realizuar.

Menaxhimi efektiv i fondeve buxhetore të akorduara për Insitutin e Statistikave, në funksion të një vendimmarrje transparente do të vazhdojë të jetë një faktor i rëndësishëm në realizimin e punës, në drejtim të shpenzimeve të miratuara vjetore për përmbushjen e qëllimit dhe objektivave institucionale.

Duke ju falenderuar për bashkëpunimin.

SEKRETAR I PËRGJITHSHËM
Alban Çela